

AGINTARIAK ETA LANGILEAK

Oposizioak eta lehiaketak

SEGURTASUN SAILA

5040

EBAZPENA, 2025eko azaroaren 11koa, Segurtasuneko sailburuordearena, zeinaren bidez onartzen eta argitaratzen baita betearazpen eskalako komisariondoko kategoriarako erreserbatutako lanpostuak betetzeko deialdia, Ertzaintzako karrerako funtzionarioek merezimendu-lehiaketa sistemaren bidez (C353) bete beharrekoa.

Ertzaintzaren egitura eta gaur egun indarrean dagoen lanpostu-zerrenda ikusita, eta dauden langile-beharrak kontuan hartuta, Ertzaintzaren egituran aurrekontu-zuzkidura duten lanpostu hutsak betetzeko deialdia egiten da. Lanpostu horiek merezimendu-lehiaketa orokorreko sistemaren bidez beteko dira, Euskal Autonomia Erkidegoko Poliziaren Legearen testu bateginaren 93. artikuluan eta hurrengoetan eta Euskal Autonomia Erkidegoko polizia-kidegoetako funtzionarioen lanpostuak betetzeko erregelamendua onartzen duen apirilaren 4ko 58/2023 Dekretuan ezarritakoaren arabera.

Segurtasun Sailaren egitura organikoa eta funtzionala ezartzen duen urriaren 29ko 318/2024 Dekretuaren 9. artikulua Segurtasun Sailburuordetzari esleitzen dizkion eskumenak baliatuz, eta Euskal Autonomia Erkidegoko Poliziaren Legearen testu bateginaren 125. artikuluan aurreikusitako Mahaiaren 2025eko urriaren 21eko bilkuran negoziatu ondoren, honako hau

EBAZTEN DUT:

Lehenengoa.– Ertzaintzako karrerako funtzionarioentzat gordetako lanpostuak behin betiko betetzeko deialdia onartzea eta argitara ematea. Lanpostu horiek merezimendu-lehiaketa orokorraren bidez beteko dira (C353), 1. eranskinean jasotako oinarrien arabera.

Bigarrena.– 1.– Deialdi honen bidez, lanpostu hauek beteko dira:

a) Ertzaintzaren egiturako lanpostuak, merezimendu-lehiaketa orokorraren bidez beteko direnak eta 2. eranskinean zerrendatzen direnak.

b) Dagozkion esleipenen ondorioz hutsik geratzen diren lanpostuak eta esleipen-proposamena egin arte sortzen direnak, bai eta aipatutako eranskinetan izartxoarekin (*) identifikatzen diren kodeetan hutsik geratzen direnak ere.

Hirugarrena.– 1.– Prozedura honetan ematen diren egintza eta xedapen guztiak Gurenet atarian argitaratuko dira, hurrengo atalean aurreikusitakoari kalterik egin gabe.

2.– Segurtasuneko sailburuordearen ebazpen baten bidez, iragarki bat argitaratuko da Euskal Herriko Agintaritzaren Aldizkarian, behin betiko atxikipenak erabakitzen dituen ebazpena Gurenet atarian noiz jarriko den adieraziz. Iragarkia Euskal Herriko Agintaritzaren Aldizkarian argitaratzen den egunean hasiko dira ebazpen horren aurkako errekurtsioak edo aurkaratzeak aurkezteko epeak.

Laugarrena.– 1.– Hautaketa-prozedura honetako izangaien identifikazioa zenbaki profesionalaren bidez egingo da.

2.– Datu pertsonalen inguruko tratamendu guztiek beteko dituzte datu pertsonalen babesari buruzko araudian xedatutako eskakizunak (Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamendua, datu pertsonalen tratamenduari eta datu horien zirkulazio askeari dagokionez pertsona fisikoen babesari buruzkoa; eta abenduaren 5eko 3/2018 Lege Organikoa, Datu Pertsonalak Babestekoa eta Eskubide Digitalak Bermatzekoa).

3.– Ezarritako segurtasun-neurriak Administrazio elektronikoaren eremuan Segurtasunaren Eskema Nazionala arautzen duen urtarrilaren 8ko 3/2010 Errege Dekretuak onetsitako II. eranskinekoak dira (Segurtasun-neurriak).

Bosgarrena.– Aurreikusi ez den guztirako, Administrazio Publikoen Administrazio Prozedura Erkidearen urriaren 1eko 39/2015 Legea aplikatuko da.

Seigarrena.– Ebazpen honek ez dio amaiera ematen administrazio-bideari, eta, beraren aurka, gora jotzeko errekurtsioa aurkeztu ahal izango diote interesdunek Segurtasuneko sailburuari, hilabeteko epean, ebazpena Euskal Herriko Agintaritzaren Aldizkarian argitaratu eta hurrengo egunetik aurrera.

Vitoria-Gasteiz, 2025eko azaroaren 11.

Segurtasuneko sailburuordea,
RICARDO ITUARTE AZPIAZU.

1. ERANSKINA

OINARRIAK

Lehenengoa.– Parte hartzeko betekizunak.

1.– Deialdi honetan parte hartu ahal izango dute Ertzaintzako karrerako funtzionario guztiek, baldin eta eskainitako lanpostuak betetzeko eskatzen diren baldintza orokorrak eta lanpostu-zerrendan ezarritako betekizunak betetzen badituzte eta zerbitzu aktiboan, zerbitzu berezietan, seme-alabak edo senideak zaintzeko eszedentzian, genero-indarkeriagatiko eszedentzian eta Euskal Autonomia Erkidegoko Poliziaren Legearen testu bateginaren 86. artikuluan aurreikusitako eszedentzian badaude. Halaber, zerbitzu aktiboko egoerara itzultzen diren funtzionarioek ere parte hartu ahal izango dute, aipatutako testu bateginaren 92.2 artikuluan aurreikusitako moduan.

2.– Era berean, deialdi honetan aurreikusitako prozedurak erabilita zerbitzu aktibora itzuliz, parte hartu ahal izango dute nahitaezko eszedentzian edo beste administrazio publiko batzuetan zerbitzu aktiboan daudenek, Euskal Autonomia Erkidegoko Poliziaren Legearen testu bateginaren 84. artikuluan xedatutakoaren arabera birgaituta daudenek, sei hilabetetik gorako etenaldi irmoan daudenek eta borondatezko gainerako eszedentzian daudenek, baldin eta egoera horietarako ezarritako egonaldia bete badute.

3.– Deialdi honetan parte hartu beharko dute, eta, lanpostua betetzeko erreserbatuta dagoen kategoriaren arabera, merezimendu-lehiaketa bidez bete daitezkeen lanpostu huts guztiak eskatu beharko dituzte Ertzaintzako karrerako funtzionario hauek:

a) Euskal Autonomia Erkidegoko Poliziaren Legearen testu bateginaren 98. artikuluan eta Ertzaintzako espezialitateei buruzko apirilaren 4ko 57/2023 Dekretuaren 5.3 artikuluan ezarritako moduan eta baldintzetan, Polizia eta Larrialdietako Euskal Akademiak deitu edo eman duen eta eskainitako lanpostuetan jarduteko eskatzen den espezialitate-ikastaroa gainditu duten Ertzaintzako karrerako funtzionarioak, ez badute gutxieneko egonaldia bete espezialitate horretan eta ez badaude behin betiko atxikita dagokion ikastaroa espezialitate-betekizuna gisa ezarrita duen lanpostu bati.

Betebehar hori betetzen ez dutenak behin-behinean atxiki ahal izango dira dagokion espezialitatearekin hutsik geratzen diren lanpostuetara, eta ez dute inolako konpentsazio ekonomikorik jasotzeko eskubiderik izango.

Funtzionario batek espezialitate bat baino gehiago baditu, aurreko apartatuetan ezarritako betebeharra lortutako azken espezialitateari buruzkoa dela ulertuko da.

Gutxieneko egonaldia zenbatzen hasiko da espezialitate horretarako gordetako lanpostu bati atxikitzen zaionetik, dela behin betiko atxikipenean, dela behin-behineko atxikipenean, dela zerbitzu-eginkizunetan, betiere aldeztatik aurretik espezialitatea lortu badu.

Gutxieneko egonaldia zenbatzeko, kontuan hartuko da espezialitate bereko edo beste espezialitate bateragarri batzuetako lanpostuetan benetan emandako zerbitzu-denbora.

Ondorio horietarako, benetako zerbitzutzat hartzen da zerbitzu aktiboko, bigarren jarduerako, edota seme-alabak edo senideak zaintzeko edo genero-indarkeriagatiko eszedentziako administrazio-egoeretan igarotako denbora, dagokion espezialitateko betekizuna duen lanpostu bati atxikita zein espezialitate-betekizunik gabeko lanpostu bati atxikita, Ertzaintzako espezialitateei buruzko Dekretuaren 5. artikuluan aurreikusitako kasuetan.

Kontaktetan sartuko dira unitate barruko goragoko kategoriako eginkizunak bete diren aldiak, espezialitate-betekizuna ez duten lanpostuei dagozkienak.

b) Lanpostu bati behin-behinean atxikita dauden Ertzaintzako karrerako funtzionarioak. Bete-behar hori betetzen ez dutenak behin-behinean atxikiko zaizkie hutsik geratzen diren lanpostuei, nahitaez, eta ez dute inolako konpentsazio ekonomikorik jasotzeko eskubiderik izango.

4.– Ezingo dute deialdi honetan parte hartu:

a) Arau-hauste larria edo oso larria egiteagatik eginkizun-gabetze irmoaren administrazio-egoeran daudenak, egoera horretan dauden bitartean.

b) Euskal Autonomia Erkidegoko Poliziaren Legearen testu bategineko 140. artikuluan xedatu bezala, lekualdaketarekin zigortu direnak.

c) Interes partikularragatiko borondatezko eszedentzian daudenak, baldin eta egoera horretan ez badute indarrean dagoen araudiak eskatutako gutxieneko epea eman.

d) Lanean gutxieneko egonaldi berezia duen lanpostu baten behin betiko esleipendun iza-nik hori bete ez dutenak, salbu eta egoera hori organo eskudunaren onespenezkin lanpostuari uko egitearen ondorio bada, edo lotura eta arrazoi bera duten beste lanpostu batzuk lortzeko bada, edota lanpostua galtzea dakarren barne-sustapenaren bidez beste kategoriatara sartu badira, salbu eta, azken kasu horretan, kategoriatara berri lotura eta arrazoi bera duten lanpostu hutsak badaude. Kasu horretan, Euskal Autonomia Erkidegoko polizia-kidegoetako funtzionarioen lanpostuak betetzeko erregelamenduaren 6.4 artikuluan hiru paragrafoan xedatutakoa aplikatuko da, Ertzaintzako espezialitateei buruzko Dekretuaren 5.4 artikuluan aurreikusitakoa alde batera utzi gabe.

e) Merezimendu-lehiaketa bidez behin betiko destinoa lortu dutenak, baldin eta ez badira bi urte igaro funtzionarioak bere azken behin betiko destinoa lortu zuen lekualdatze-lehiaketarako deialdia egin zuen ebazpena eman zenetik; izendapen askeko sistemaren bidez bete beharreko plazak eskatuz parte hartu ahal izango dute soilik.

Muga hori ez zaie aplikatuko gaur egun behin-behinean atxikita daudenei, salbu eta atxikitze modu hori organo eskudunak onartutako lanpostuari uko egitearen ondorio bada.

f) Lortu nahi duten lanpostuari dagokionez, gehieneko egonaldia bete dutenak, lanpostu-zerrendan ezarritakoaren arabera.

Espezialitate baterako erreserbatutako lanpostuetako gehieneko egonaldia zenbatzen hasiko da langilea espezialitate horretarako gordetako lanpostu bati atxikitzen zaionetik, dela behin betiko atxikipenean, dela behin-behineko atxikipenean, dela zerbitzu-eginkizunetan, betiere alde aurretik espezialitatea lortu badu.

Gehieneko egonaldia zenbatzeko, kontuan hartuko da espezialitate bereko edo beste espezialitate bateragarri batzuetako lanpostuetan benetan emandako zerbitzu-denbora.

Ondorio horietarako, benetako zerbitzutzat hartzen da zerbitzu aktiboko, bigarren jarduerako, edota seme-alabak edo senideak zaintzeko edo genero-indarkeriagatiko eszedentziako administrazio-egoeretan igarotako denbora, dagokion espezialitateko betekizuna duen lanpostu bati atxikita zein espezialitate-betekizunik gabeko lanpostu bati atxikita, Ertzaintzako espezialitateei buruzko Dekretuaren 5. artikuluan aurreikusitako kasuetan.

Aurreko paragrafoan aurreikusitakoa aplikatzeko, Babes eta Segurtasunerako Unitateari, Esku Hartzerako Unitateari eta Brigada Mugikorrari atxikita dauden eta egonaldi luzeena behar duten lanpostuak aukeratzeko direnean, agente eta agente lehen kategorietarako gordetako lanpostuetan egindako lana zenbatuko da lanpostu bakoitzerako.

Kontuan hartuta egitura organikoa eta lanpostuen zerrenda aldatzearen ondorioz lanpostuen identifikazio-kodeak bata bestearen ondorengoak direla, lanpostu berdintzat hartuko dira hornitzeko kategoria eta espezialitate bera eskatzen dutenak, eta lehenengo lanpostuen zerrenda indarrean sartzen denetik aurrera zenbatuko dira, hau da, 1998ko urtarrilaren 1etik aurrera.

Zenbaketan sartuko dira unitate barruko goragoko kategoriako eginkizunak betetako aldiak, gehieneko egonaldia ezarrita duten unitateetako lanpostuei dagozkienak.

Brigada Mugikorraren Unitatearen kasuan, ondorio horietarako ez dira kontuan hartuko Laguntza Ataleko edo Indartze Brigadako eginkizunetan edo lanpostuetan jardundako aldiak.

Zaintza eta Erreskate Unitatean lanpostua eskatuz gero, gehieneko egonaldia langilea lanpostu horietako bati atxikitzen zaion egunean hasiko da zenbatzen.

5.– Euskal Autonomia Erkidegoko Poliziaren Legearen testu bateginaren 104.2 artikuluan xedatutakoaren babesean lehentasun-eskubidea aitortuta duten Ertzaintzako karrerako funtzionarioek deialdi honetan baliatuko dute, behin bakarrik, udalerrri berean dauden eta kategoria berekoak diren lanpostu hutsei dagokienez.

Bigarrena.– Eskabideak aurkezteko epea.

1.– Hautaketa-prozeduran parte hartzeko, interesdunek ezarritako epearen barruan aurkeztu beharko dute eskabidea, non zehaztuko baitira behin betiko betetzeko araubidean eskatutako lanpostuen kodeak eta, bat baino gehiago badira, haien arteko lehentasun-ordena.

2.– Eskabidea bide telematikoz aurkeztu beharko da Segurgunea atariaren bidez, Interneteko helbide honetan sartuta: <https://segurgune.euskadi.eus>

Atarira sartzeko, txartel profesionalean dagoen IPZri lotutako ziurtagiri digitala erabiliko da. Horretarako, Interneterako konexioa eta ziurtagiri digitalen txartel-irakurgailua dituen ekipo bat erabili beharko da, edo, bestela, erabiltzaile-gakoa, pasahitza eta OWA posta elektronikoko aplikazioaren bidez posta korporatibo pertsonalean jasoko den identifikazio-kodea.

Prozedura honetan eskaerak, erreklamazioak edo errekursoak aurkezteko aplikazioaren erabiltzaile-eskuliburua langilearen atarian eta polizia-zentroetako giza baliabideen bulegoetan egongo da eskuragarri.

3.– Prozedura honetan berriro sartzeko parte hartzen dutenek ez badute IPZri lotutako ziurtagiri digitalik, eskabidea aurkeztu ahal izango dute Giza Baliabideen Zuzendaritzako Plangintza Alorrean (Kubo eraikina, bigarren solairua, Larrauri Mendotxe bidea 18, Erandio). Horretarako, hitzordua eskatu beharko dute aldeztu aurretik, provisiondepuestos@seg.euskadi.eus postontzian.

4.– Eskabideak aurkezteko epea Euskal Herriko Agintaritzaren Aldizkarian argitaratu eta hurrengo egunean hasiko da, eta 2026ko urtarrilaren 20ko 23:59an amaituko da, bi datak barne.

5.– Eskabidea aldatzeko edo prozeduran parte hartzeari uko egiteko izapidea Segurgunea atariaren bidez egingo da, eskabideak aurkezteko epearen barruan. Bigarren eskaera bat edo gehiago aurkeztuz gero, epearen barruan aurkeztutako azkena baino ez da eraginkorra izango, eta aurreko guztiak baliogabetuta geratuko dira. Epea amaituta aurkeztzen direnak ere ondoriorik gabe geratuko dira. Era berean, eskabideak aurkezteko epearen barruan atzera egiteak ondoriorik gabe uzten ditu aurkeztu diren eskabide guztiak.

6.– Eskaerak aurkezteko aldia igarotakoan, egindako eskabideak lotesleak izango dira eskaizailleentzat; hau da, atzera egin ezinekoak.

Hirugarrena.– Parte hartzeko betekizunak eta baloratuko diren merezimenduak egiaztatzea.

1.– Administrazioak ofizioz egiaztatuko du parte hartzeko betekizunak eta baloratzeko merezimendu orokorrak betetzen direla, eskabideak aurkezteko epea amaitzen den egunean.

Aurrekotik salbuetsita dago euskararen ezagutza; kasu horretan, erreferentzia-data 2026ko urtarrilaren 31ra arte atzeratuko da.

2.– Nolanahi ere, eskatutako LPZko titulazioak eta horien indarraldia egiaztatzeko, eta Giza Baliabideen Zuzendaritzak kudeatzen dituen datu-baseetan inskribatuta ez dauden betekizunak eta merezimenduak egiaztatzeko, jatorrizko dokumentua aurkeztuko zaio Giza Baliabideen Zentroko Burutzari, eskabideak aurkezteko epearen barruan erkatu dezan. Kopia erkatua Giza Baliabideen Zuzendaritzako Plangintza eta Langileriaren Kudeaketa Alorreko Ebaluazio, Horniketa eta Zentroen Arlora bidaliko da.

3.– Betekizunak eta merezimenduak egiaztatzeko, kasuen arabera, kontsulta egingo da Giza Baliabideen Zuzendaritzak kudeatzen dituen erregistroetan, Euskal Autonomia Erkidegoko Administrazio Orokorraren eta haren erakunde autonomoen erregistroetan, administrazio publikoen datuen bitartekaritza-plataforman edo ziurtagiria ematen duen erakundean.

Kontsulta horiek kasu guztietan egingo dira, salbu eta jasota badago eskatzailea kontsulta horren kontra dagoela (arrazoiak azalduta) eta tratamendu-jardueraren ardura daukan organoak kontrakotasun hori aintzat hartzen badu. Kontsulta egitearen kontra agertuz gero (arrazoiak emanda), nahitaez aurkeztu beharko dira kontsultaren xede diren jatorrizko dokumentuak.

4.– Langilearen atarian espediente pertsonalari buruzko informazioa dago eskuragarri. Izan-gaiek akatsak edo omisioak aurkitzen badituzte, eskabideak aurkezteko epearen barruan zuzendu ahal izango dituzte, jakinarazpen baten bidez. Jakinarazpenarekin batera, egiaztagirien kopia erkatua bidaliko da provisiondepuestos@seg.euskadi.eus postontzira.

Eskabideak aurkezteko epea amaitu ondoren aurkeztutako eskabide edota agiriak ez dira kon-tuan hartuko prozedura honetan.

5.– Eskainitako lanpostuak betetzeko eskatzen diren espezialitate-ikastaroak Polizia eta Larrialdietako Euskal Akademiak emandakoak izan beharko dira, edo, bestela, akademiak baliozkotuak emandakoak, Euskal Autonomia Erkidegoko Poliziaren hautaketa- eta prestakuntza-erregelamen-duan xedatutakoaren arabera.

Laugarrena.– Merezimendu-lehiaketa orokorra.

Merezimendu orokorrak balioesteko, Segurtasuneko sailburuaren 2025eko urriaren 28ko Agin-duak ezarritako merezimenduen baremoa aplikatuko da. Agindu horren bidez, merezimenduen baremo erkide eta bateratua onartzen da, betearazpen eskalako komisariondoko kategoria, Ertzaintzan.

Bosgarrena.– Lanpostuak behin betiko betetzeko prozedurako esleipen-faseak.

1.– Deialdi honetan aipatzen diren lanpostuen esleipena ondoz ondoko fase preklusiboetan egingo da, ordena honetan:

1.1.– Lehenik, merezimendu-lehiaketa orokorraren sistemaren bidez bete beharreko lanpostuak esleituko dira, eskainitako lanpostuak betetzeko eskatutako espezializazio-ikastaroa gainditu

du ten funtzionarioei dagozkien betebeharrak kontuan hartuta, eta Euskal Autonomia Erkidegoko Poliziaren Legean jasotako eta deialdi honetan onartu eta baztertuei buruzko ebazpenean aitor-tutako lehentasun-eskubideak betez. Lehenengo azpifasean, prozesua gainditu dutenek soilik hartuko dute parte, baldin eta lehentasunezko esleipen-eskubidea aitortu bazaie deialdian onar-tutako eta baztertutako pertsonen zerrenda onartzen duen ebazpenean. Eta bigarren azpifasean, prozesua gainditu duten gainerako izangaiek hartuko dute parte.

Era berean, baldintza horiek betetzen dituzten eta egindako esleipenen ondorioz hutsik gera-zen diren lanpostuak esleituko dira.

1.2.– Azkenik, behin-behineko atxikipenean lanposturik esleitu ez zaien Ertzaintzako karrerako funtzionarioei behin-behinean eta nahitaez esleituko zaizkie esleitu gabeko eta merezimendu-lehia-ketaren sistemaren bidez bete beharreko lanpostuak, lanpostu-zerrendan adierazitako ordenari jarraituz, eta esleipen horrek ez du inolako kalte-ordainik jasotzeko eskubiderik emango.

2.– Fase batean esleitutako lanpostuak ez dira beteko hurrengo faseetan. Horrela, fase batean lanpostu baten esleipendun gertatzen direnek ezin izango diote uko egin esleitutako lanpostuari, eta ezin izango dute jarraitu deialdiko lanpostuak esleitzeko prozesuan; beraz, ulertuko da uko egi-ten dietela hurrengo faseetan esleipendun izan daitezkeen lanpostuetarako egin dituzten eskaerei.

3.– Lehiaketa-sistemaren bidez bete beharreko lanpostuei dagokienez, lortutako kalifikazio handienak zehaztuko du lehentasuna.

4.– Lehiaketako merezimenduen balorazioan puntuazio handiagoa lortzeak lehentasun-eskubi-deaz baliatzeko hurrenkera zehaztuko du.

5.– Hizkuntza-eskakizunaren derrigortasun-data igarota duten lanpostu bateko dotazioak bete-kizun hori betetzen dutela egiaztatuta duten interesdunei esleituko zaizkie.

Seigarrena.– Balorazio-batzordeak.

1.– Lehiaketa baloratzeko, hainbat balorazio-batzorde eratuko dira. Batzorde horiek osatzeko, Sektore Publikoaren Araubide Juridikoaren Legean eta Emakumeen eta Gizonen berdinta-sunerako Legean Administrazioako kide anitzeko organoei buruz ezarritakoa beteko da, bai eta inpartzialtasun-, profesionaltasun- eta espezialitate-printzipioak ere.

Balorazio-batzordeetako kideak karrerako funtzionarioak edo lan-kontratuko langile finkoak izango dira, deitutako lanpostua atxikita dagoen titulazio-talde berekoak edo goragokoak.

2.– Balorazio-batzorde bat izendatuko da prozedura honetako merezimendu orokorrak balora-tzeko, eta eginkizun hauek izango ditu:

a) Prozedura objektiboa dela ziurtatzeko ardura duenez gero, bermatu behar du deialdiaren oinarriak betetzen direla, eta gainera beharrezkoak diren akordioak hartu behar ditu dagokionean arauetan dauden hutsuneei aurre egiteko, eta haiek aplikatzean nabari azaltzen diren kontraesa-nei erantzun egokia emateko.

b) Merezimendu orokorrak baloratu behar ditu, edo lan hori beste norbaiti egokitu. Horretarako, dagozkion behin-behineko erabakiak hartuko ditu, Gurenet atarian argitaratuko direnak. Interes-dunek erreklamazioak egin ditzakete horien kontra, bost egun balioduneko epean, eta batzordeak berak ebatziko ditu erreklamaziook.

c) Puntuaziorik handiena lortu duten izangaiek proposatuko ditu, eta lanpostuak esleitzeko pro-posamena aurkeztu Segurtasuneko sailburuordeari, deitutako lanpostuen kopuruaren barruan

eta oinarri hauetan xedatutakoaren arabera hutsik geratzen diren lanpostuen artean puntuazio-rik handiena lortu dutenen alde, hargatik eragotzi gabe Euskal Autonomia Erkidegoko Poliziaren Legearen testu bateginean aurreikusitako lehentasun-eskubideak.

3.– Bost kidek osatuko dituzte batzordeak: bat batzordeburu izango da, eta bestea idazkari. Kide guztiek izango dute hitza eta botoa.

4.– Segurtasuneko sailburuordearen ebazpen baten bidez (Gurenet atarian argitaratuko da) izendatuko dira balorazio-batzordeetako kideak eta horien ordezkioak.

5.– Sektore Publikoaren Araubide Juridikoaren urriaren 1eko 40/2015 Legean aurreikusitako inguruabarrak gertatzen badira, balorazio-batzordeetako kideek, organo eskudunari jakinarazita, ez dute esku hartuko; era berean, izangaiek errekusatu ahal izango dituzte.

6.– Balorazio-batzordeen erabakiak bertaratuen gehiengoaren botoekin hartuko dira; eta, berdinketa gertatuz gero, presidente ari denak ebatziko du. Ordea, presidentea edo haren ordezkioa ez badago, adinez nagusia den kidea izango da ebatziko duena.

7.– Balorazio-batzordeak ezin izango dira eratu, ezta jardun ere, kideen erdiak baino gehiago bertaratu ez badira, lehendakaria eta idazkaria barne, eta deialdia egin duen agintariari adituak izendatzeko eskatu ahal izango diote, aholkulari gisa jardun dezaten, hitzarekin baina botorik gabe.

8.– Balorazio-batzordeetan parte hartuz gero, legez aurreikusitako kalte-ordainak jasoko dira.

Zazpigarrena.– Lanpostuak betetzeko prozeduraren garapena.

1.– Segurtasuneko sailburuordearen ebazpenaren bidez (Gurenet atarian argitaratuko da), onartuen eta baztertuen behin-behineko zerrendak onartuko dira, eta interesdunek erreklamazioak egin eta eskabideetako akatsak zuzendu ahal izango dituzte, hamar egun balioduneko epean, zerrendak atarian argitaratzen direnetik aurrera. Erreklamazio eta zuzenketa horiek onartutakoen eta baztertutakoen behin betiko zerrenda onartzen duen ebazpenean ebatziko dira.

Erreklamazioak eta zuzenketa-eskaerak bigarren 2. eta 3. zenbakietan aurreikusitakoaren arabera aurkeztuko dira.

2.– Gurenet atarian argitaratuko da onartuen eta baztertuen behin betiko zerrenda onartzen duen ebazpena, bai eta proba espezifikoak egiteko egunak, orduak eta lekuak ere. Proba horietarako deialdia gutxienez zazpi egun natural lehenago egin beharko da.

3.– Izendapen askeko sistemaren bidez beteko diren lanpostuak Segurtasuneko sailburuordearen ebazpenaren bidez esleituko dira. Ebazpena interesdunei banan-banan jakinaraziko zaie, eta prozedura honetan ezarritakoaren arabera erakutsiko da jendaurrean.

Esleipen-ebazpena arrazoitzeko orduan, aukeratutako hautagaiak deialdiko betekizunak eta gainerako zehaztasunak betetzen dituela aipatuko da, bai eta izendapena egiteko eskumena ere; dena dela, hartutako ebazpenaren funtsezko oinarria izango da prozedura behar bezala bideratzea.

4.– Behin betiko atxikipenek zein egunetatik aurrera izango dituzten ondorioak Segurtasuneko sailburuordeak emandako ebazpenaren bidez zehaztuko da.

Unitate jakin batzuetan dauden langile-beharrak kontuan hartuta, erabaki ahal izango da behin betiko lanpostuak betetzeko prozedura unitate horietan Ertzaintzaren gainerako unitate eta zerbitzuetan baino lehenago izatea eraginkorra eta gauzatzea.

5.– Behin betiko esleipenak borondatezkoak izango dira, eta ez dute kalte-ordaina jasotzeko eskubiderik sortuko lantokia aldatzeagatik.

Zortzigarrena.– Merezimendu-lehiaketaren sistemaren bidez behin betiko hornitutako lanpostuari uko ezin egitea eta lanpostutik mugiaraztea.

1.– Merezimendu-lehiaketaren bidez lanpostu baten behin betiko atxikipenean esleipendun suertatzen diren funtzionarioek ezin izango diete uko egin lanpostu horiei, eta ezin izango dute parte hartu behin betiko azken destinoa lortu duten lehiaketa-prozeduraren deialdia ebatzi eta hurrengo bi urteetan deitzen diren lehiaketetan, Euskal Autonomia Erkidegoko Poliziaren Legearen testu bateginaren 97.2 artikuluan eta Euskal Autonomia Erkidegoko polizia-kidegoetako funtzionarioen lanpostuak betetzeko erregelamenduaren 18.2 artikuluan ezarritako salbuespenarekin.

2.– Lanpostu bat lehiaketa-prozeduraren bidez lortzen duten funtzionarioak lanpostutik kendu ahal izango dira, Euskal Autonomia Erkidegoko Poliziaren Legearen testu bateginaren 103.4 artikuluan eta Euskal Autonomia Erkidegoko polizia-kidegoetako funtzionarioen lanpostuak betetzeko araudiaren 19. artikuluan ezarritakoaren arabera.

Bederatzigarrena.– Deialdia ebazteko epea.

Deialdi hau ebazteko epea bederatzir hilabetekoa izango da, eskabideak aurkezteko epea amaitu eta hurrengo egunetik aurrera, hargatik eragotzi gabe epe hori luzatu ahal izatea, Administrazio Publikoen Administrazio Prozedura Erkidearen urriaren 1eko 39/2015 Legearen 32. artikuluan xedatutakoaren arabera.

2025eko azaroaren 26a, asteazkena

2. ERANSKINA
MEREZIMENDU-LEHIAKETA OROKORRAREN BIDEZ BETE BEHARREKO LANPOSTUAK

Kodea	Unitatea	Izendapena	Kategoria	Udalerrria	Lang. kop.	Horn. sist.	Especialitatea	Tit.	HE	BOB	Ded. erre.	Horn. behar. kop.	Derrig. data iraug.
20342	Ikerketa Kriminaleko Arabako Lurralde Zerbitzua	Ekintzaburua	Komisariandokoa	Vitoria-Gasteiz	1	ML			2	5	EP	1	1
20442	Ikerketa Kriminaleko Bizkaiko Lurralde Zerbitzua	Ekintzaburua	Komisariandokoa	Erandio	2	ML			2	5	EP	*	
20542	Ikerketa Kriminaleko Gipuzkoako Lurralde Zerbitzua	Ekintzaburua	Komisariandokoa	Oiartzun	1	ML			2	5	EP	1	1
20610	Arabako Lurraldeko AKZ	AKZko lurraldeburua	Komisariandokoa	Vitoria-Gasteiz	1	ML			2	5	EP	*	
20710	Bizkaiko Lurraldeko AKZ	AKZko lurraldeburua	Komisariandokoa	Erandio	1	ML			2	5	EP	1	
20810	Gipuzkoako Lurraldeko AKZ	AKZko lurraldeburua	Komisariandokoa	Oiartzun	1	ML			2	5	EP	*	
21223	Arabako Trafikoko LU	Bide Segurtasuneko burua	Komisariandokoa	Vitoria-Gasteiz	1	ML			2	5	EP	*	
21224	Arabako Trafikoko LU	Ikerketako burua	Komisariandokoa	Vitoria-Gasteiz	1	ML			2	5	EP	*	
21323	Bizkaiko Trafikoko LU	Bide Segurtasuneko burua	Komisariandokoa	Erandio	1	ML			2	5	EP	1	1
21324	Bizkaiko Trafikoko LU	Ikerketako burua	Komisariandokoa	Erandio	1	ML			2	5	EP	1	
21417	Gipuzkoako Trafikoko LU	Bide Segurtasuneko eta ikerketako burua	Komisariandokoa	Zumarraga	1	ML			2	5	EP	1	
21423	Gipuzkoako Trafikoko LU	Bide Segurtasuneko burua	Komisariandokoa	Oiartzun	1	ML			2	5	EP	*	
21424	Gipuzkoako Trafikoko LU	Ikerketako burua	Komisariandokoa	Oiartzun	1	ML			2	5	EP	*	
21511	Miñioen Atala	Herritarren Babeseko burua	Komisariandokoa	Vitoria-Gasteiz	1	ML			2	5	EP	1	
21703	Foralen Atala	Herritarren Babeseko burua	Komisariandokoa	Bilbao	1	ML			2	5	EP	*	
21823	Guardiako Ertzain-etxea	Herritarren Babeseko eta ikerketako burua	Komisariandokoa	Laguardia	1	ML			2	5	EP	*	
21923	Laudioko Ertzain-etxea	Herritarren Babeseko eta ikerketako burua	Komisariandokoa	Laudio/Lodio	1	ML			2	5	EP	*	
22013	Gasteizko Ertzain-etxea	Zentroburua	Komisariandokoa	Vitoria-Gasteiz / Iruña de Oca	2	ML			2	5	EP	*	
22025	Gasteizko Ertzain-etxea	Ikerketako zentroburua	Komisariandokoa	Vitoria-Gasteiz / Iruña de Oca	2	ML	OIK11/OIK1 2/IKI		2	5	EP	1	
22111	Balmasedako Ertzain-etxea	Herritarren Babeseko eta ikerketako burua	Komisariandokoa	Balmaseda	1	ML			2	5	EP	*	
22223	Ibaizabalgo Ertzain-etxea	Herritarren Babeseko burua	Komisariandokoa	Basauri	1	ML			2	5	EP	*	
22224	Ibaizabalgo Ertzain-etxea	Ikerketako burua	Komisariandokoa	Basauri	1	ML			2	5	EP	*	
22303	Bilboko Ertzain-etxea	Zentroburua	Komisariandokoa	Bilbao	2	ML			2	5	EP	1	1
22325	Bilboko Ertzain-etxea	Ikerketako zentroburua	Komisariandokoa	Bilbao	2	ML	OIK11/OIK1 2/IKI		2	5	EP	1	1

2025eko azaroaren 26a, asteazkena

Kodea	Unitatea	Izendapena	Kategoria	Udalerrria	Lang. kop.	Horn. sist.	Especialitatea	Tit.	HE	BOB	Ded. erre.	Horn. behar. kop.	Derrig. data iraug.
22423	Durangoko Ertzain-etxea	Herritarren Babeseko burua	Komisariandokoa	Durango	1	ML			2	5	EP	*	
22424	Durangoko Ertzain-etxea	Ikerketako burua	Komisariandokoa	Durango	1	ML			2	5	EP	*	
22523	Erandioko Ertzain-etxea	Herritarren Babeseko burua	Komisariandokoa	Erandio	1	ML			2	5	EP	*	
22524	Erandioko Ertzain-etxea	Ikerketako burua	Komisariandokoa	Erandio	1	ML			2	5	EP	1	
22723	Gernika-Lumoko Ertzain-etxea	Herritarren Babeseko burua	Komisariandokoa	Gernika-Lumo	1	ML			2	5	EP	1	1
22724	Gernika-Lumoko Ertzain-etxea	Ikerketako burua	Komisariandokoa	Gernika-Lumo	1	ML			2	5	EP	1	1
22823	Getxoko Ertzain-etxea	Herritarren Babeseko burua	Komisariandokoa	Getxo	1	ML			2	5	EP	*	
22824	Getxoko Ertzain-etxea	Ikerketako burua	Komisariandokoa	Getxo	1	ML			2	5	EP	*	
22923	Muskizko Ertzain-etxea	Herritarren Babeseko burua	Komisariandokoa	Muskiz	1	ML			2	5	EP	1	1
22924	Muskizko Ertzain-etxea	Ikerketako burua	Komisariandokoa	Muskiz	1	ML			2	5	EP	*	
23023	Ondarroako Ertzain-etxea	Herritarren Babeseko eta Ikerketako burua	Komisariandokoa	Ondarroa	1	ML			2	5	EP	*	
23123	Sestaoko Ertzain-etxea	Herritarren Babeseko burua	Komisariandokoa	Sestao	1	ML			2	5	EP	*	
23124	Sestaoko Ertzain-etxea	Ikerketako burua	Komisariandokoa	Sestao	1	ML			2	5	EP	*	
23523	Deba-Urolako Ertzain-etxea	Herritarren Babeseko burua	Komisariandokoa	Bergara	1	ML			2	5	EP	*	
23524	Deba-Urolako Ertzain-etxea	Ikerketako burua	Komisariandokoa	Bergara	1	ML			2	5	EP	1	1
23603	Donostiako Ertzain-etxea	Zentroburua	Komisariandokoa	Donostia-San Sebastián	2	ML			2	5	EP	1	
23625	Donostiako Ertzain-etxea	Ikerketako zentroburua	Komisariandokoa	Donostia-San Sebastián	2	ML	OIK11/OIKI 2/IKI		2	5	EP	*	
23723	Eibarko Ertzain-etxea	Herritarren Babeseko burua	Komisariandokoa	Eibar	1	ML			2	5	EP	*	
23724	Eibarko Ertzain-etxea	Ikerketako burua	Komisariandokoa	Eibar	1	ML			2	5	EP	1	
23823	Hernaniko Ertzain-etxea	Herritarren Babeseko burua	Komisariandokoa	Hernani	1	ML			2	5	EP	1	1
23824	Hernaniko Ertzain-etxea	Ikerketako burua	Komisariandokoa	Hernani	1	ML			2	5	EP	*	
23923	Irungo Ertzain-etxea	Herritarren Babeseko burua	Komisariandokoa	Irun	1	ML			2	5	EP	*	
23924	Irungo Ertzain-etxea	Ikerketako burua	Komisariandokoa	irun	1	ML			2	5	EP	1	1
24023	Errenteriako Ertzain-etxea	Herritarren Babeseko burua	Komisariandokoa	Errenteria	1	ML			2	5	EP	1	1
24024	Errenteriako Ertzain-etxea	Ikerketako burua	Komisariandokoa	Errenteria	1	ML			2	5	EP	1	1
24123	Oriako Ertzain-etxea	Herritarren Babeseko burua	Komisariandokoa	Tolosa	1	ML			2	5	EP	*	
24124	Oriako Ertzain-etxea	Ikerketako burua	Komisariandokoa	Tolosa	1	ML			2	5	EP	*	

2025eko azaroaren 26a, asteazkena

Kodea	Unitatea	Izendapena	Kategoria	Udalerrria	Lang. kop.	Horn. sist.	Especialitatea	Tit.	HE	BOB	Ded. erre.	Horn. behar. kop.	Derrig. data iraug.
24223	Urola-Kostako Ertzain-etxea	Herritarren Babeseko burua	Komisariandokoa	Zarautz	1	ML			2	5	EP	1	1
24224	Urola-Kostako Ertzain-etxea	Ikerketako burua	Komisariandokoa	Zarautz	1	ML			2	5	EP	1	1
30434	Ikerketa Kriminal eta P Jko Burutza	Ikerketa Kriminal eta P Jko atal nagusietako ekintzaburua	Komisariandokoa	Erandio	1	ML			2	4	EP	*	
40103	Brigada Mugikorren Unitatea	Zentroburua	Komisariandokoa	Iurreta	4	ML	BM Ik./Esku-H. Ik		2	5	EP	2	
40302	Lehergailuak Indargabetzeko Unitatea	Kudeaketa Teknikoko burua	Komisariandokoa	Iurreta	1	ML			2	2	EP	*	
40927	Zaintza eta Erreskate Unitatea	Zaintza eta Erreskateko buruordea	Komisariandokoa	Iurreta	1	ML			2	2	EP	*	
70303	Idazkaritza Nagusia	Atalburua	Komisariandokoa	Erandio	3	ML			2	4	EP	1	1
70402	Koordinazio eta Lankidetzaren Unitatea	Koordinazioko ekintzaburua	Komisariandokoa	Erandio	1	ML			2	4	EP	*	
70407	Koordinazio eta Lankidetzaren Unitatea	Lankidetzako ekintzaburua	Komisariandokoa	Erandio	1	ML			2	4	EP	*	